

Céad Míle Fáilte Romhat

Céad míle fáilte romhat, a Íosa, a Íosa,
Céad míle fáilte romhat, a Íosa.
Céad míle fáilte romhat, a Shlánaitheoir,
Céad míle fáilte romhat,
‘Íosa, a Íosa.

Glóir agus moladh dhuit, a Íosa, a Íosa,
Glóir agus moladh dhuit, a Íosa.
Glóir agus moladh dhuit, a Shlánaitheoir,
Glóir agus moladh dhuit,
‘Íosa, a Íosa.

Toradh 50/50 Coiste na Minna 24/11/2024

Ní raibh an tarraingt seachtainiúil don 50/50
ar an Domhnach seo caite an 24ú Samhain
de bharr an droch aimsir.

Míle Buíochas as bhur dtacaíocht.

Tamall ag guí i láthair na hEocairiste i gCill Éinde, An Spidéal

**Gach Satharn 10am—11am
Páidirín gach Domhnach
@ 5.00i.n.**

Fáilte roimh chuile dhuine.

Naomh Uinseann de Pól

Beidh bailiúchán taobh amuigh de
gheataí na Séipéal an deireadh seach-
taine seo chugainn
7ú & 8ú Nollaig
ar mhaithe le Comhdháil Naomh
Uinseann de Pól, Comhdháil Mhic
Dara.

Míle Buíochas as bhur dtacaíocht.

FÓGRA


Tá Scoil Éinne ag glacadh le h-iarratais
chhlárúcháin don scoil bhliain 2025-2026.

Tá tuilleadh eolais ar fáil ag:
[https://scoileinne.nead.ie/faoi “Polasaithe
Scoil”](https://scoileinne.nead.ie/faoi%20Polasaithe%20Scoil).

Cill Treasa, Ros a’ Mhíl

Beidh Aifreann Satharn i
Cill Treasa Ros a’ Mhíl
ag 6.30 i.n as seo amach.



PARÓISTE AN SPIDÉIL AN CHÉAD DOMHNACH DEN AIDBHINT 1 Ú NOLLAIG 2024			
			
An tAth. Daniel Gallagher www.cilleinde.ie Uaireanta Oifige: Dé Máirt, Déardaoin, Dé hAoine 10.00rn –2.00in Oifig: 083 8126745 <i>Rí-omhphost:</i> cilleinde@outlook.ie			
			AIFRINN & INTINNÍ NA SEACHTAINE
			Φ
CILL ÉINDE, AN SPIDÉAL			
Dé Domhnaigh	1ú	11:00r.n	Máirtín Sheáin Joe Ó Gamhnáin Dara Cuimneacháin <i>Seanaghurráin</i> Pádraic Ó Gráinne (deartháir le Sally Ní Fhátharta) a fuair bás le gairead. <i>Sasana</i>
Dé hAoine	6ú	10.00r.n	Pádraic & Bairbre Breathnach & a mhuintir ar fad <i>Coilleach</i> Dominic & Keith Mac Airt <i>Coilleach/B.A.C.</i>
Dé Domhnaigh	8ú	11.00r.n	Seán Mac Fhlannadha <i>Sidheán</i> Cáit Connell Céad Cuimhneacháin <i>Bothúna</i> Frank & Mary Kelly iníon Mary and fear céile Coilín O'Donnell <i>Baile Liam/Cnocán Glas</i> Máirtín & Máire Standún <i>Baile an tSagart</i>
			Φ
CILL TREASA, ROS A' MAIL			
Dé Sathairn	30ú	6.30i.n	Máire Treasa Seoighe, a athair Tom, máthair Nan & a nia <i>Ros a' Mhíl</i> Aenghus Breathnach
Dé Sathairn	7ú	6.30i.n	<i>Missa Pro Populo</i>
			Φ
CILL MUIRE, NA MINNA			
Dé Domhnaigh	1ú	9.30r.n	Máire & Mairtín Ó Curraoin & a iníon Mayme <i>Béal an Átha</i> Pádraic & Dora O'Toole <i>Cartúr Leathan</i>
Dé Domhnaigh	8ú	9.30r.n	Mairtín Stiofán Mac Donnadha 3ú Cuimneacháin <i>Minna.</i>

Loinneog don Iontróid

Chugatsa a thógaim m'anam, a Dhia liom; is asatsa atá mo mhúinín. I bhfad uaim an náire! Ná bíodh mo naimhde ag gáire fúm. Tá na sluaite ag súil leat agus ní mheallfar iad.

Gníomh Aithrí

A phobal Dé, tugaimis ár bpeacaí chun cuimhne chun gurbh fhiú sinn na rúndiamhra naofa a cheiliúradh.

Admhaím do Dhia uilechumhachtach, agus daoibhse a bhráithre, gur pheacaigh mé go trom, le smaoineamh agus le briathar, le gníomh agus le faillí, trí mo choir féin, trí mo choir féin, trí mo mhórchoir féin.

Ar an ábhar sin, impím ar Naomh-Mhuire Síor-Ógh, ar na hAingil agus ar na Naoimh, agus oraibhse, a bhráithre, guí ar mo shon chun ár dTiarna Dia.

Go ndéana Dia uilechumhachtach trócaire orainn, go maíthe sé ár bpeacaí dúinn, agus go dtreoraí sé chun na beatha síoraí sinn. **Amen.**

A Thiarna, déan trócaire. **A Thiarna, déan trócaire.**
A Chríost, déan trócaire. **A Chríost, déan trócaire.**
A Thiarna, déan trócaire. **A Thiarna, déan trócaire.**

Urnaí

Corraigh croíthe d'fhíréan, impímid ort, a Dhia uilechumhachtaigh. Bíodh fonn orthu dul in airicis Chríost d'Ungthach ag teacht dó agus iad ag iompar a ndea-oibreacha; tuillidís ionad dlúth lena dheasláimh í riocht na bhflaitheas. Sin é ár nguí chugat trinár dTiarna Íosa Críost do mhac a mhaireann agus a rialaíonn leatsa, mar aon leis an Spiorad Naomh, ina Dhia, trí shaol na saol. **Amen.**

Liotúirge an Bhriathair

An Chéad Léacht

Sliocht as leabhar Irimíá fáidh - 33:14-16

Féach, tá na laethanta ag teacht, a deir an Tiarna, agus comhlíonfaidh mé an gheallúint a rinne mé do Theach Isráel agus do Theach Iúda:

‘Sna laetheanta sin agus san am sin cuirfidh mise d'fhiacha ar Bheangán fíréanta fás suas do Dháiví, agus déanfaidh sé breithiúnas agus ceart sa tír. Sábhálfar Iúda sna laethanta sin agus cónóidh Iarúsailéim i ndóchas. Agus is é seo an t-ainm a bhéarfad an geathair: “An Tiarna-ár-bhfíréantacht”.

Briathar an Tiarna. Buíochas le Dia. Salm le Freagra – Sm 24

Freagra: Chugatsa a thógaim m'anam, a Thiarna.

1. Taispeáin do shlite dom, a Thiarna, agus teagasc dom do rianta. Treoraigh mé i d'fhírinne agus teagasc mé, óir is tusa, a Dhia, mo Shlánaítheoir. *(Fr.)*
2. Is maith is is díreach é an Tiarna. Uime sin múineann sé an tslí do na peacaigh Díríonn sé an fear umhal san fhíréantacht; múineann sé a shlí don fhear umhal. *(Fr.)*
3. Buanghrá is dílseacht cosáin uile an Tiarna dá gcomhlíonann a chonradh is a aithne. Tá gean an Tiarna ar lucht a eaglaíthe; is dóibh a fhoilsíonn sé a chonradh. *(Fr.)*

An Dara Léacht

Teasalónaigh – 3:12-4:2
Sliocht as céadlitir N. Pól chuig na Teasalónaigh
A bhráithre, go ndéana an Tiarna bhur ngrá dá chéile agus do chách eile a mhéadú go fras nó go mbeidh sé ar aon chéim leis an ngrá atá againne daoibh. Agus go ndaingní sé bhur gceol sa naofacht ar shlí go mbeidh siad gan cháim os comhair Dé, ár nAthair, ar theacht dár dTiarna Íosa Críost agus a chuid naomh in éineacht leis.

Rud eile de, a bhráithre, fuair sibh le fios uainne conas ba chóir daoibh bhur saol a thabhairt chun Dia a shásamh, agus tá sibh ag déanamh amhlaidh cheana. Táim á iarraidh d'achainí anois oraibh in ainm an Tiarna Íosa, déanamh níos fearr fós. Tá a fhios agaibh cad iad na treoracha a thugamar daoibh ar údarás an Tiarna Íosa.

Briathar an Tiarna. Buíochas le Dia.

Alleluia, alleluia!
taispeáin dúinn, a Thiarna, do thrócaire, agus tabhair dúinn do shlánú.
Alleluia!

Soiscéal

Lúcás – 21:25-28, 34-36
Go raibh an Tiarna libh. Agus le do spiorad féin.
Sliocht as an Soiscéal naofa de réir N. Lúcas
Glóir duit, a Thiarna.

Dúirt Íosa lena dheisceabail “Beidh comharthaí sa ghrian agus sa ghealach agus sna réaltaí. Ar an talamh beidh duainéis ar na náisiúin, iad ar mearbhall ó ghlór agus ó mhórtas na farraige; daoine i bhfantaisí éaga le barr eagla agus imní faoi na nithe atá le breith ar an gceann; óir beidh cumhachtaí na bhflaitheas ar crith. Agus ansin feicfead Mac an Duine ag teacht sa scamall le cumhacht agus iomad glóire. Nuair a thosóidh na nithe sin ag teacht, seasáigí suas agus ardaigí bhur gceann, óir tá bhur bhfuascailt in achmaireacht.” Ach tugaigí aire daoibh féin gan bhur gceol a ligean chun raimhre le barr ragairne ná meisce ná cúraimí an tsaol, le heagla go mbéarfadh an lá úd go tobann oraibh mar a bheadh gaiste. Óir is de phreib a thiocfaidh sé ar chách a bheidh ina gcónaí ar aghaidh na talún go léir. Bígí gach uile thráth do bhur bhfaire

féin agus ag guí chun go mbeadh ar chumas daoibh dul slán ó na nithe sin uile atá le teacht, agus seasamh díreach os comhair Mhac an Duine.”

Soiscéal an Tiarna. Moladh duit, a Chríost.

An Chré

Creidim in aon Dia amháin, an tAthair uilechumhachtach, a rinne neamh agus talamh, agus an uile ní sofheicthe agus dofheicthe. Agus in aonTiarna amháin Íosa Críost, Mac Aonghine Dé, an té a rugadh ón Athair sula raibh aon saol ann, Dia ó Dhia, solas ó sholas, Fíor-Dhia ó Fhíor-Dhia; an té a gineadh agus nach ndearnadh, agus atá de chomhshubstaint leis an Athair: is tríd a rinneadh an uile ní.

Ar ár son-na, an cine daonna, agus ar son ár slánaithe, thuirling sé ó neamh. Ionchollaíodh le cumhacht an Spioraid Naoimh é i mbroinn na Maighdine Muire agus ghlac sé nádúr daonna. Céasadh ar an gcros é freisin ar ár son faoi Phointias Píoláit; d'fhulaing sé páis, agus adhlacadh é.

D'aiséirigh an treas lá de réir mar a d'fhógair na Scriptoráir; chuaigh suas ar neamh; tá ina shuí ar dheis an Athar.

Tiocfaidh sé an athuair faoi ghlóir, le breithiúnas a thabhairt ar bheo agus ar mhairbh, agus ní bheidh deireadh lena riocht.

Creidim sa Spiorad Naomh, Tiarna agus bronntóir na beatha, an té a ghluaiseann ón Athair agus ón Mac. Tugtar dó adhradh agus glóir, mar aon leis an Athair agus leis an Mac: is é a labhair trí na fáithe. Creidim san aon Eaglais, naofa, chaitliceach, aspalda.

Admhaím an t-aon bhaisteadh amháin chun maithiúnas na bpeacaí. Agus táim ag súil le haiséirí na marbh, agus le beatha an tsaol atá le teacht. Amen.

Liotúirge na hEocairiste

Os Cionn na nOfrálacha

Glac na bronntanais seo, a ofrálaimid duit, a Thiarna, as flúirse d'fhéile féin. Is éachtach an freagra a thugann tú ar ár ndúthracht ar talamh. Go raibh an slánú ar neamh chomh maith mar luach saothair againn. Trí Chríost ár dTiarna. **Amen.**

Rúndiamhair an chreidimh.

Gach uair a ithimid an t-arán seo agus a ólaimid an chailís seo, fógraimid do bhás, a Thiarna, nó go dtaga tú.

Iarchomaoineach

A Thiarna, leis na rúndiamhra seo a cheiliúramar múineann tú dúinn, ar ár n-aistear trí bhláth díomuan an tsaol seo, grá a thabhairt dá bhfuil ar neamh agus clóí le nithe buana. Go dté na rúndiamhra céanna seo chun sochair dúinn. Sin é ár nguí chugat trí Chríost ár dTiarna. **Amen.**

Deasghnáth Deiridh

Go raibh an Tiarna libh. **Agus le do spiorad féin.**
Go mbeannaí Dia uilechumhachtach sibh, Athair, Mac agus + Spiorad Naomh. **Amen.**



Imígí faoi shíocháin ag glóiriú anTiarna le bhur mbeatha. **Buíochas le Dia.**

